

Ս. Միքայելյան

ԸԱՏ ՀՈՂԻ ԲԱՇԽՎՈՂ ԵԿԱՄՏԻ (ՌԵՆՏԱՅԻ) ԲՆՈՒՅԹԻ
ՀԱՐՑԻ ՇՈՒՐՋԸ

Ժողովրդա-գեմոկրատական ուսուցչությունների գյուղատնտեսության սոցիալիստական վերակառուցումը սկսվել է հողի մասնավոր սեփականության իրավունքի պահպանման պայմաններում: Դա ժողովրդա-գեմոկրատական երկրների սոցիալիստական շինարարության բնորոշ առանձնահատկություններից մեկն է, որով նրանք տարբերվում են Սովետական Միությունից, ուր գյուղատնտեսության սոցիալիստական վերակառուցումը սկսվել է ամբողջ հողի ազգայնացման առկայություն պայմաններում:

Գյուղատնտեսության սոցիալիստական վերակառուցման այս առանձնահատկությունը կապված է ժողովրդա-գեմոկրատական երկրների ագրարային հարարերությունների պատմական զարգացման յուրահատկության հետ, որի պայմաններում պետք է գործնականորեն լուծվեն բանվոր դասակարգի ու գյուղացիության դաշինքի և սոցիալիզմի կառուցման հարցերը:

Վ. Ի. Լենինը ուսուցանում էր, թե այնտեղ, որտեղ ուժեղ է հողի մասնավոր սեփականության տրադիցիան — իսկ բանը հենց այդպես էր ժողովրդական գեմոկրատիայի եվրոպական երկրներում — գյուղացիական մասսաները միանգամից չեն ընկալի ամբողջ հողի ազգայնացման պահանջը:

Ելնելով Լենինի այս դրույթից¹, ինչպես և հաշվի առնելով 1919 թ ձուլագրական Սովետական Ռեպուբլիկայի պարտության դասերը, Եվրոպայի ժողովրդա-գեմոկրատական երկրների կոմունիստական ու բանվորական պարտիաները առաջադրել են ոչ թե ամբողջ հողի ազգայնացման, այլ հողի բաժանքի պահանջը՝ ձեռք առնելով պատկանի նրան, ով այն մշակում է՝ սկզբունքի հիման վրա:

Հողի մասնավոր սեփականության իրավունքի պահպանումը գյուղատնտեսական կոոպերատիվ տնտեսությունների բաղաձայնությամբ տիպերում առաջացնում է եկամտի որոշ մասը ըստ հողի բաշխելու անհրաժեշտությունը: Թե ինչպիսի բնույթ ունի ըստ հողի բաշխվող եկամուտը, ինչպիսի շարարերություններ են նրանով պայմանավորվում, որն է նրա հեռանկարը և զրանց հետ կապված հարցերը, թեորիական ու գործնական հետաքրքրություն են ներկայացնում:

Մեր հոգվածում այդ խնդիրները քննարկվում են Բալղարիայի ժողովրդական Ռեպուբլիկայի օրինակով, որտեղ գյուղատնտեսության սոցիալիստական վերակառուցումն իրականացվում է աշխատանքային կոոպերատիվ հողագործական տնտեսությունների (ԱԿՀՏ-ների) ձևով:

¹ Տե՛ս Վ. Ի. Լենին, Երկեր, հատ. 31, էջ 180—181:

ԱԿՀՏ են մտնում ոչ միայն հող ունեցող, այլև հողագործի գյուղացիները, որոնք 1946 թ. ագրարային ռեֆորմից հետո էլ հող չստացան պետական հողային ֆոնդի նվազ չափերի հետևանքով:

ԱԿՀՏ մտնող գյուղացիները օրինակելի կանոնադրության համաձայն հանձնում են կոոպերատիվ տնտեսությանը իրենց հողը ընդհանուր օգտագործման համար (բացի տնամերձ տնտեսության համար թողնվող 0,2-ից մինչև 0,5 հեկտար հողը), միավորում հողը կոոպերատիվ մասսիվների մեջ, վերացնում սահմանները, պահպանելով, սակայն, հողի մասնավոր սեփականության իրենց իրավունքը:

Հողի մասնավոր սեփականության իրավունքը տնտեսապես իրացվում է այն բանի մեջ, որ ԱԿՀՏ-ների եկամտի որոշ մասը, որը Բուլղարիայում կրում է ռեմտա անունը, բաշխվում է ըստ հողի չափի:

Խոչ բան է ռենտան, որն է նրա աղբյուրը, ինչպիսին է նրա բնույթը: Այս հարցերը քիչ վեճերի տեղիք չեն տվել: Ամենատարբեր կարծիքներ են արտահայտվել: Ոմանք ռենտան համարում էին կապիտալիստական տարր ԱԿՀՏ-ում¹, մյուսները նրանում տեսնում էին դասակարգային անտագոնիզմի արտացոլումը կուլակի և գյուղական չքավորության միջև: Այսպես, օրինակ, Ե. Մատենը գրում էր՝ «ԱԿՀՏ-ում անտագոնիստական հարաբերությունները կուլակի և գյուղական չքավորության միջև վերացված չեն, այլ միայն կերպարվորված են և նույնիսկ սրված»²: Պնդում էին, թե ԱԿՀՏ-ում տեղի ունի շահագործում, ստեղծվում է հավելյալ արժեք: Ռենտան հայտարարում էին անաշխատ եկամուտ և դրա հիման վրա եզրակացնում անտագոնիզմի և հակասությունների մասին ԱԿՀՏ-ի անդամների միջև: Այս պնդումները, սակայն, կամ սխալ են, կամ հարցը քննարկում են միակողմանի, ուստի և անխուսափելիորեն հանգեցնում են սխալ հետևությունների:

Ռենտան ԱԿՀՏ-ում վարձ է հողի՝ որպես արտադրության միջոցի համար: Այդ ըստ էության հողային վրայ է, որն արտահայտում է արտագրական կուլեկտիվի անդամների հարաբերությունը հողի՝ որպես արտադրության միջոցներից մեկի մասնավոր սեփականության առկայության դեպքում: ԱԿՀՏ-ը միավորում է աշխատավորական տնտեսություններ, որոնք կապիտալիստական տարր չեն պարունակել մինչև միավորվելը: Կապիտալիստական տարրեր չէին կարող առաջանալ աշխատավորական տնտեսությունները աշտադրական կոոպերացիայի մեջ միավորելուց ժողովրդագրամոլրատական կարգերի պայմաններում, որը պրոլետարիատի գիտատուրայի ձև է: Նույնչափ սխալ է հողի բաժինը դիտել որպես անտագոնիստական հարաբերությունների արտահայտություն կուլակի և գյուղական չքավորության միջև, որոնք իբրև թե կերպարվորվել ու նույնիսկ սրվել են: Մինչև օրինակելի կանոնադրության ընդունելը (1950 թ.) կուլակներին, իբրև կանոն, ԱԿՀՏ չէին ընդունում: Ռենտան ներկայացնել իբրև անտագոնիզմի կերպարվորված արտահայտություն կուլակի և գյուղական չքավորության միջև, նշանակում է կուլակից չտարբերել միջակ ու չքավոր գյուղացուն, որոնք ռենտա են ստանում ԱԿՀՏ-ին հանձնած իրենց հողի համար:

¹ Տե՛ս Մ. Ռուսենովի հոդվածը, „Народостопански архив“, Свиштов, 1950, кя. I, էջ 84—85:

² „Ново време“, София, 1948, № 10, էջ 867:

Որևէ հիմքից զուրկ են ԱԿՀՏ-ում հավելյալ արժեք լինելու մասին եղած պնդումները: Նման պնդումների հեղինակները աչքաթող են անում այն կարևոր հանգամանքը, որ աշխատանքային հոդային սեփականության մասին օրենքի (1946 թ.) հիման վրա հոգը ստացել է ընտանիքի գլուխը, նա էլ հենց հանձնում է այդ հոգը ԱԿՀՏ-ին: Մինչդեռ ԱԿՀՏ-ի անդամ են դառնում ոչ միայն ընտանիքի գլուխը, այլև ընտանիքի 16 տարեկանից բարձր լրջոր անդամները, որոնք մասնակցում են կոոպերատիվ տնտեսության աշխատանքին և օգտվում տնտեսության անդամի բոլոր իրավունքներից: Դրանից հետևում է, որ ԱԿՀՏ-ի ընտանիքի գլուխ անդամը ունի տայի ձևով ստանում է նաև իր ընտանիքի անդամների աշխատանքի արդյունքից: Ընտանիքի գլխի և ընտանիքի անդամների միջև եղած հարաբերությունները շահագործման հարաբերություններ չեն եղել մենատնտեսության պայմաններում, նրանք այդպիսին չեն կարող դառնալ նաև ԱԿՀՏ-ի պայմաններում:

Երկրի պայմաններին համեմատ, մարքսիզմ-լենինիզմի ստեղծագործական զարգացման հիման վրա Բուլղարական կոմունիստական պարտիայի կատարած հսկայական բացատրական աշխատանքի շնորհիվ վերը հիշատակված սխալ պատկերացումները հիմնականում հաղթահարված են:

Հոգ ունեցող կոոպերատորների (ԱԿՀՏ-ի անդամների) եկամուտը գոյանում է ըստ աշխատանքի և ըստ հոգի ստացած արդյունքից: Կոոպերատորների ընդհանուր աշխատանքով ստեղծված արդյունքի մի մասն է, որ առանձնացվում է ըստ հոգի քաշխովու համար: Ինքնին հասկանալի է, որ կոոպերատորի վաստակած աշխօրերի քանակը որոշ մակարդակից գերազանցելուց հետո եկամուտի չափը իջնում է, քանի որ նրանից հանվող եկամտի մասն ավելի մեծ է լինում, քան ըստ հոգի նրան վերադարձվող մասը: Հետևաբար կոոպերատորների միայն այն խափն է շահում ունեցանից, որը տվյալ ԱԿՀՏ-ի համար միջինից ավելի հոգ է հանձնել ու միջինից պակաս աշխօրեր վաստակել: Ռեւտա ստանալու մեջ շահագրգռված և ունեցանի գոյություն մեջ չշահագրգռված կոոպերատորների միջև հակասություն գոյություն ունի: Այս մասին քիչ չի գրվել ու գրվում բուլղարական գրականության մեջ: Դա վերջին հաշվով հակասություն է միջակ ու չքավոր գյուղացիության միջև: Նրանց միջև եղած հարաբերությունները անտագոնիստական չեն եղել կապիտալիզմի ժամանակ, նրանք անտագոնիստական չէին կարող դառնալ ժողովրդա-դեմոկրատական կարգի պայմաններում, առավել ևս նրանց ԱԿՀՏ-ներում կամավոր կերպով միավորվելու դեպքում: ԱԿՀՏ-ը ավելի է մերձեցնում գյուղացիության չքավորա-միջակ խավերին, բարենպաստ պայմաններ ստեղծում նախկին բատրակների ու չքավորների կենսամակարդակը բարձրացնելու համար: Տարեց տարի ավելի ու ավելի են վերանում նախկին միջակների ու չքավորների միջև եղած տարբերությունները: Նրանք հավասարապես շահագրգռված են ԱԿՀՏ-ի ամրապնդման մեջ, տնտեսության աշխատատար պրոցեսները մեքենայացնելու, աշխատանքի արտադրողականությունը բարձրացնելու և ԱԿՀՏ-ի եկամուտները ավելացնելու մեջ: ԱԿՀՏ-ներում միավորված չքավորա-միջակային գյուղացիությունը դառնում է ժողովրդա-դեմոկրատական կարգի ամուր հենարանը:

Հետևաբար, կոոպերատորների շահերի ընդհանրությունը տարբեր չափերի հոգ հանձնելու անկայության դեպքում գերիշխում է նրանց միջև

եղած հակասությունների նկատմամբ: Ուստի և չի կարելի ճիշտ համարել, երբ ԱԿՀՏ-ների տնտեսական կարգի հետ կապված հարցերը քննարկելիս շեշտվում են կոոպերատորների միջև եղած հակասությունները և հարկավոր չափով չի բացահայտվում նրանց շահերի ընդհանրությունը, որը վճռական նշանակություն ունի ԱԿՀՏ-ի կյանքի համար: Կոոպերատորների շահերի ընդհանրությունը իր արտացոլումն է գտնում կոոպերատորների կամավոր որոշումներով ունեւորյալ չափի հետևողական նվազման մեջ: Մինչև 1950 թ. ապրիլը—ԱԿՀՏ-ի օրինակելի կանոնադրության ընդունելը— ունեւորյալ կազմել է կոոպերատորների միջև բաշխման ենթակա եկամտի 45 տոկոսը: Օրինակելի կանոնադրությունը նվազեցրել է այն և սահմանել մինչև 30 տոկոսը, իսկ ԱԿՀՏ-ների ներկայացուցիչների 111 կոնֆերենցիան (1953 թ. դեկտեմբեր) թույլատրելի է համարել ըստ հոդի բաժանել եկամուտների մինչև 25 տոկոսը: Այսպես օրինականացվել է այն, ինչ դործնականորեն արդեն կատարված է եղել ԱԿՀՏ-ներում: 1952 թ. վերջում ունեւորյալ բաժինը երկրի մասշտաբով կազմել է բաշխվող եկամուտների 20 տոկոսը, 1953 թ.—15, 1954 թ.—11, իսկ 1955 թ.—9,8 տոկոսը: 22 ԱԿՀՏ-ներում կոոպերատորների կամավոր որոշումով ունեւորյալ վերացված էր և եկամուտները բաշխվում էին միայն ըստ աշխատանքի: Այսպիսի ԱԿՀՏ-ների քանակը զնալով անկասկած ավելանալու է: Բուլղարական կոմունիստական պարտիան և Բուլղարիայի կառավարությունը շտապողականություն չեն ցուցաբերում այս հարցում, ելնելով այն սլոգանից՝ ճշմարտությունից, որ մասնավոր սեփականությունը բնագործի համակցված գյուղացիությունը իր սեփական փորձով պետք է համոզվի, որ ԱԿՀՏ-ների եկամուտի աճումը կախված է ոչ թե հոդից, այլ ժամանակի միավորի ընթացքում կատարած աշխատանքի քանակից, կոոպերատորների հմտության աստիճանից, իրանց ագրո ու դորդիտելիքների մակարդակից, դործադրվող աշխատամիջոցների ու պարարտանյութերի քանակից ու էֆեկտիվությունից, գյուղատնտեսական արտադրության աշխատատար պրոցեսների մեքենայացման բնույթից ու աստիճանից, ագրոնոմիական գիտությունների զարգացման աստիճանից ու նրա հետևանքների պրակտիկ կիրառումից և, վերջապես, հասարակական աշխատանքի կազմակերպման բնույթից, արտադրական հարաբերությունների բնույթից: Հողը աշխատանքի կիրառման բնական պայման է: Անգամ հողի բերքատվությունը, ինչպես ցույց է տվել Մարքսը, բնության պարզևը չէ, այլ մեծապես կախված է հասարակական կարգից: Բազմաթիվ ԱԿՀՏ-ներում հողային տարածությունից առանձին փոփոխություններ տեղի չեն ունեցել, կամ աննշան աճ է կատարվել, սակայն ԱԿՀՏ-ները ձեռք են բերել զգալի նվաճումներ ինչպես անրաժանելի ֆոնդերի աճման, այնպես և կոոպերատորների նյութական կենսամակարդակի բարձրացման գործում:

Բուլղարական կոմունիստական պարտիան ու Բուլղարիայի կառավարությունը օգնում են կոոպերատորներին իրենց իսկ կամավոր որոշումներով նվազեցնելու և այնուհետև վերացնելու ունեւորյալ:

Որքան տնտեսապես ու կազմակերպորեն ավելի ամրապնդվեն ԱԿՀՏ-ները, որքան ավելի նրանք դառնան բազմաճյուղային տնտեսություններ, որքան եկամտաբերությամբ ու ապրանքայնությամբ, որքան ավելի էժանանա ԱԿՀՏ-ի արտադրությունն ու բարձրանա կոոպերատորների նյութական շահագրգռվածությունը և ապահովվի կոոպերատորների ավելի լայն

աշխատանքային ներգրավումը հասարակական տնտեսության մեջ, այնքան ավելի պայմաններ կստեղծվեն ոենտան կամավոր կերպով վերացնելու համար: Որոշ իմաստով ոենտայի վերացման արգելակող գործոն է հանդիսանում հողը վարձակալելու իրավունքի գոյությունը, որի ազդեցությունը դնալով թուլանում է գյուղական տնտեսությունների կոոպերացիայի կորագծի բարձրացման հետևանքով: Գյուղական բոլոր տնտեսությունների կոոպերացիայի լիակատար ավարտումը կամավորությունյան սկզբունքի հիման վրա անկասկած կարագացնի ոենտայի վերացումը:

Եթե այն սխալ տեսակետը, թե ոենտան շահագործման հարաբերությունների արտահայտման ձև է, հավելյալ արժեքի մի մաս, հաղթահարված է, ապա դեռ լայն տարածում ունի այն կարծիքը, թե հողի համար տրվող հատուցումը բացարձակ ոենտա է: Այսպես, օրինակ, գրում էին. «ԱԿՀՏ-ում... սահմանված է մասնավոր սեփականությունը և դրան համապատասխանաբար գոյություն ունի բացարձակ հողային ոենտա»¹: «Մասնավոր սեփականության գոյությունը հենց պայմանավորում է անաշխատ եկամտի, այսինքն ոենտայի ստացումը: Դա բացարձակ ոենտա է: Դա հետևանք է հողի մասնավոր սեփականության իրավունքի»²: Ռենտան համարում էին կապիտալիստական ըստ բովանդակության, որը ստերիլ բնույթ է ստանում այն բանի շնորհիվ, որ ոենտան չի որոշվում շահույթի միջին նորմայով, այլ պետության կամքով և ԱԿՀՏ-ի անդամների ընդհանուր ժողովի որոշումով³: Պնդում էին, թե գոյություն ունի կերպավորված բացարձակ ոենտա⁴: Ծ. Չերնոկուկը գրում էր. «Բացարձակ ոենտան կապված է հողի մասնավոր սեփականության հետ»⁵, «...ԱԿՀՏ-ում գոյություն ունի բացարձակ հողային ոենտա այն բանի շնորհիվ, որ գոյություն ունի հողի մասնավոր սեփականություն: Սա կապիտալիստական բացարձակ ոենտա չէ, բայց բացարձակ հողային ոենտա է, որ առաջանում է հողի մասնավոր սեփականությունից»⁶: Այս նույն միտքը հաստատել է հեղինակը հետո ևս, գրելով. «Հողի մասնավոր սեփականությունը ԱԿՀՏ-ում պայմանավորում է բացարձակ ոենտայի գոյությունը»⁷: Նման օրինակներ կարելի է շատ բերել⁸, ձիշտ է, բազմաթիվ վերապահություններ են արվում, ասվում է այն մասին, թե դա կերպավորված բացարձակ ոենտա է և այլն: Եթե առաջ հողի համար տրվող հատուցումը համարում էին կապիտալիստական տարր, շահագործման հարաբերությունների հետևանք, հավելյալ արժեքի մաս (այդ

¹ Տե՛ս Ե. Մառեկի հոդվածը, «Ново време», София, 1948, № 10, էջ 864:

² Տե՛ս Պ. Ռուսեկի հոդվածը, «Пропагандист и агитатор», София, 1954, № 2, էջ 63:

³ Տե՛ս Մ. Ռուսեկուի հոդվածը, «Народостопански архив», Свиштов, 1950, кн. 1, էջ 84—85:

⁴ Տե՛ս Ա. Գեորգիևի հոդվածը, «Философска мисъл», София, 1951, № 1, էջ 112—113:

⁵ «Известия на Икономическия и Правния институти (БАН). Серия икономическа. Кн. 1—2, София, 1953, էջ 108:

⁶ Նույն տեղում, էջ 110:

⁷ «Новая България», София, 1954, № 1, էջ 8:

⁸ Առանձնապես ջանում էին բուրժուական տնտեսագետները՝ Յա. Մոլլովը, Կ. Բորչևը, Ն. Դոլինսկին, Ս. Դեմոստենովը, Ա. Տոտևը, Ն. Կընևը, Կ. Կոլչևը և ուրիշները: Երկրում ժողովրդագրամոկրատական կարգի հաստատումից հետո էլ նրանք շարունակում էին պրոպագանդել բուրժուական ու մանր-բուրժուական ագրարային թեորիաներ և ազդում էին պարտիական և ոչ պարտիական առանձին հեղինակների հայացքների վրա:

տեսակետին էր առաջ և Տ. Չերնոկուկը), ապա հիմա գրում են այն մասին, թե ոենտան հավելյալ արժեքի մաս չէ, թե այդ կերպարված ոենտան ԱԿՀՏ-ում գյուղացիների կատարած կոլեկտիվ աշխատանքի հետևանք է։ Բայց այս բոլոր վերապահությունները հարցը չեն սպառում, ավելի ճիշտ՝ չեն վերացնում իրական սխալը¹։

Իրրե կանոն, ինչպես հիշատակված, այնպես և ոենտայի մասին գրող բոլոր մյուս հեղինակների համար բնորոշ է այն, որ իրր թե բացարձակ հողային ոենտան ծնունդ է առնում հողի մասնավոր սեփականությունից։ Ուստի և այնտեղ, ուր գոյություն ունի հողի մասնավոր սեփականություն, անկախ հասարակարգից, կա և բացարձակ հողային ոենտա, լինի այդ կապիտալիստական թե ժողովրդա-դեմոկրատական հասարակարգ, լինի այդ մենատնտես աշխատավորական տնտեսություն, թե ԱԿՀՏ-ում միավորված աշխատավորական դյուղացիական տնտեսություն։

Նման հայացքների հեղինակները հաճախ վկայակոչում են Կ. Մարքսին, մեջբերելով հետևյալ քաղվածքը «Կապիտալից»՝ «հողային ոենտան այստեղ այն տնտեսական ձևն է, որով հողային սեփականությունը տնտեսապես իրացվում է»²։ Այնպես է ստացվում, որ իրր բոլար Մարքսի հողային ոենտան հողի մասնավոր սեփականության հետևանք է։ Այսպիսի ըմբռնումը բացահայտորեն սխալ է։ Մարքսը հողային ոենտան բխեցնում է երկակի մոնոպոլիայի առկայությունից. հողի՝ որպես տնտեսավարման օբյեկտի նկատմամբ եղած մոնոպոլիայից (գիֆերենցիալ ոենտա) և հողի՝ որպես մասնավոր սեփականության օբյեկտի նկատմամբ եղած մոնոպոլիայից (բացարձակ ոենտա)։ Հետևարար, խոսելով հողային սեփականության մասին, Մարքսը նկատի ունի հողային սեփականության մոնոպոլիան, և ոչ թե հողային սեփականությունն առհասարակ։

Հողի մասնավոր սեփականության մոնոպոլիան անհրաժեշտաբար ենթադրում է խոշոր կապիտալիստական սեփականություն, կապիտալի մոնոպոլիա։ Մասնավոր սեփականության մոնոպոլիան խանգարում է կապիտալի ազատ կիրառմանը, ազատ կոնկուրենցիային, կապիտալի ազատ ներհոսմանը գյուղատնտեսության մեջ այլ ճյուղերից և շահույթի միջին նորմայի հավասարեցմանը հողագործական և ոչ հողագործական ձեռնարկությունների միջև։ Հողի մասնավոր սեփականության մոնոպոլիան դանդաղեցնում է տեխնիկայի ներդրումը, արգելափակում հասարակական արտադրողական ուժերի զարգացումը գյուղատնտեսության մեջ, որն իր հերթին արտահայտվում է կապիտալի ցածր օրգանական կառուցվածքով՝ կապիտալի միջին օրգանական կառուցվածքի համեմատությամբ արդյունաբերության մեջ։

¹ Կերպարված ոենտայի մասին վերապահությունը առանձին հեղինակներին չի խանգարել ոենտայի մեջ այնուամենայնիվ տեսնել շահագործման հարաբերությունների արտահայտություն։ Այսպես Մլադեն Դիմիտրովը գրել է. «Բանի որ ոենտան անաշխատ եկամուտ է, բացահայտ շահագործողական բնույթ ունի, ուստի կարող է զիտվել որպես կերպարված դրացարձակ ոենտա։ Ռենտան սովորաբար այն առանձնահատկությունն ունի, որ գանձվում է և՛ մանր, և՛ միջին, և՛ ունեոր գյուղացիներից, որի հետևանքով ոենտան «խնքնաշահագործողական» բնույթ ունի»։ (Годишник на селскостопанска академия „Г. Димитров“, София, 1951, էջ 254)։

² Կ. Մարքս, Կապիտալ, հատ. III, մաս II, Երևան, 1949, էջ 162։

Հողի մասնավոր սեփականության մոնոպոլիայի տնտեսական իրացումը խոշոր հողատերերի կողմից հավելյալ արժեքի մի մասի յուրացումն է որպես արժեքի հավելում հասարակական արտադրության գնի նկատմամբ, կամ, որ միևնույն է, շահույթի հավելումը միջին շահույթի նկատմամբ:

Հանդես գալով 1905—1907 թթ. ուսական առաջին օրվոյցիայում բողոքիկների ագրարային ծրագրի պաշտպանության մենչևիկների դեմ մղվող պայքարում, լենինը տվել է ագրարային ծրագրի հիմնավորման, ուսուցիչին թեորիայի կիրառման վայելուն օրինակ: Մերկացնելով մենչևիկ Մասլովի թեորիական ճիգերի թշվառությունը և պաշտպանելով Մարքսի ուսմունքը ուսուցիչի և մասնավորապես բացարձակ ուսուցիչի մասին, լենինը գրել է՝ «ճշտ չէ, թե ըստ Մարքսի բացարձակ ուսուցիչի ստացվում է հողագործական կապիտալի ցածր կազմի շնորհիվ: Բացարձակ ուսուցիչի ստացվում է շնորհիվ հողի մասնավոր սեփականության»¹:

Բայց բացարձակ ուսուցիչի ստեղծում է ոչ թե հողի մասնավոր սեփականությունը որպես այդպիսին: Բացարձակ ուսուցիչի առկայությունը ենթադրում է հողի մասնավոր սեփականության առկայությունը, մինչդեռ հողի մասնավոր սեփականությունը չի ենթադրում բացարձակ ուսուցիչի առկայությունը: Վերջինի սոսի իրավաբանական սեփականությունը հողային ուսուցիչի չի ստեղծում սեփականատիրոջ համար»²: Հողի մասնավոր սեփականությունը միայն այն ժամանակ է բերում բացարձակ ուսուցիչի գոյության հնարավորությունը, երբ հողի մասնավոր սեփականությունը վեր է ածվել խոշոր մասնավոր սեփականության, մասնավոր սեփականության մոնոպոլիայի, «...բացարձակ ուսուցիչի ծնունդ է տալիս... հողի մասնավոր սեփականության մոնոպոլիան»³: Բացարձակ ուսուցիչի հարաբերություն է հողատիրոջ և կապիտալիստական ֆերմերի միջև գյուղատնտեսական բանվորների շահագործման հիման վրա, այլ խոսքով ժողովրդի ենթադրում է ժողովրդածույնի բուրժուական կազմակերպում, այսինքն, առաջին, նրա կատարյալ ենթակումը շուկային, և, երկրորդ, հողագործության մեջ բուրժուազիայի և պրոլետարիատի նույնպիսի դասակարգերի գոյությունը, որոնք հատուկ են նաև կապիտալիստական ինդուստրիային»⁴: Հենց այն պատճառով, որ բացարձակ ուսուցիչի ենթադրում է հողագործության բուրժուական կազմակերպում, բացարձակ ուսուցիչի մասն գյուղացիական տնտեսության մեջ, որն աշխատում է գլխավորապես իր կարիքները հոգալու համար, ինչպես այդ ցույց է տվել Մարքսը: Բացարձակ ուսուցիչի կապիտալիստական արտադրության եղանակի կատարյալ է, թեկուզ և կարող է վերացվել ոչ միայն առանց կապիտալիզմին վնասելու, այլև կապիտալիստական արտադրության, կապիտալիստական արտադրական հարաբերությունների զարգացման օգտին: Ուստի լենինը, մատնանշելով բացարձակ ուսուցիչի կապը գյուղատնտեսական արտադրության կապիտալիստական կազմակերպման հետ, հողի մասնավոր սեփականության մոնոպոլիան համարում է ոչկապիտալիստական մոնոպոլիա, որը խանգարում է շահույթի

¹ Վ. Ի. Լենին, Երկեր, հատ. 13, էջ 380:

² Վ. Մարքս, Կապիտալ, հատ. III, մաս II, Երևան, 1949, էջ 294:

³ Վ. Ի. Լենին, Երկեր, հատ. 13, էջ 381—382:

⁴ Վ. Ի. Լենին, Երկեր, հատ. I, էջ 547:

ազատ հավասարեցմանը, ազատ կոնկուրենցիային և կապիտալի ազատ շարժմանը մի ճյուղից մյուսը: Կապիտալիզմը կարող է զարգանալ և՛ համայնական, և՛ ազգայնացված հողի վրա: Բայց հողի մասնավոր սեփականությունը մոնոպոլիան առկա է. ձեռնարկելով կապիտալիզմի սփռարային հարաբերությունների ուսումնասիրությունը «Մարքսը վերցնում է կապիտալիստական հողագործությունը, որը նեղված է ոչ-կապիտալիստական մասնավոր սեփականությունը», — մատնանշում էր Լենինը:

Այսպիսով, բացարձակ ունեւոր ոչ թե առհասարակ հողի մասնավոր սեփականության հետեանք է, այլ արտադրության կապիտալիստական եղանակով պայմանավորված հողային սեփականության հատուկ ձևի հետեանք: Հողի մասնավոր սեփականության մոնոպոլիան հողի մասնավոր սեփականության յուրահատուկ պատմական ձև է, որ գոյացել է ֆեոդալական ու մանր գյուղացիական հողային սեփականության վրա կապիտալիստական արտադրության եղանակի ազդեցությամբ և հանգեցրել է բացարձակ ունեւոր գոյության հնարավորությանը ոչ թե իրավաբանական սեփականություն, այլ տնտեսական այն պայմանների շնորհիվ, որոնք միջին շահույթի նկատմամբ հավելյալ արժեքի հավելուրդը դնում են հողի խոշոր սեփականատիրոջ տրամադրության տակ: Հողային սեփականության պատմական այդ յուրահատուկ, այսինքն կապիտալիստական ձևը ենթադրում է գյուղական բանվորների սեփականազրկումը հողից և նրանց ենթարկումը կապիտալին: Կապիտալիստական արտադրության եղանակը գյուղատնտեսությունը մեջ և նրան համապատասխանող հողային սեփականության ձևը մարքսիզմը քննարկում է որպես պատմական և ոչ հավերժական կատեգորիա:

Հողի մասնավոր սեփականության մոնոպոլիան ենթադրում է խոշոր կապիտալիստական մասնավոր սեփականություն, հողը ազատ տնօրինելու իրավունք, կուզենա՝ կօգտագործի հողագործության կամ այլ նպատակների համար, կուզենա՝ վարձակալություն կտա կամ պարապ կթողնի:

Բացարձակ ունեւորի վերը հիշված նախադրյալներն ու պայմանները գոյություն ունեն Բուլղարիայի Ժողովրդական Ռեսպուբլիկայում:

Ագրարային ռեֆորմի հետեանքով վերացվել է խոշոր հողային սեփականությունը և դրանով իսկ վերացվել է հողի մասնավոր սեփականության մոնոպոլիան: Հողը մասամբ տրվել է հողազուրկ ու սակավահող գյուղացիներին որպես աշխատանքային սեփականություն, մասամբ ազգայնացվել ու տրվել է ԱԿՀՏ-ներում միավորված գյուղացիներին և այլ կազմակերպություններին:

Ագրարային ռեֆորմի՝ «Հողը պատկանում է նրան, ով այն մշակում է» սկզբունքը ապահովվել է ոչ միայն հողի բաժանքով, այլև ռեֆորմի սկզբունքը իրացնելու համար արտադրական աճող օգնության կազմակերպումով: Մասնավոր այն հողատերերը, որոնք ԱԿՀՏ-ների անդամ չեն, կարող էին իրենց հողը վարձակալության տալ կարիքավոր գյուղացիներին իշխանության տեղական մարմինների կողմից սահմանված վարձավճարով: Հող վարձակալել կարելի է տվյալ թնակավայրի համար համայն-

1 Վ. Ի. Լենին, Երկեր, հատ. 13, էջ 382:

քայլին հանձնաժողովի կողմից սահմանված միջին տնտեսության սահմաններում: Կառավարության որոշումները պարտավորեցնում էին կատարել ցանքի սլանները (այդ սլանները համայնքի ժողովում քննարկելուց հետո տեղական ժողովրդական խորհուրդների կողմից հասցվում էին բոլոր ԱԿՀՏ-ներին ու մենատնտես գյուղացիներին): Հարկավոր էր ապահովել ցանքի սլանների կատարումը բոլոր հողամասերի վրա: Իսկ Բուլղարիայի շատ գյուղացիներ հողաճոթեր ունեին իրենց մշտական բնակավայրից դուրս, տվյալ ոկոլիայի (գավառի) ուրիշ գյուղերի կամ նույնիսկ ուրիշ ոկոլիաների հողային մասսիվներում, որոնք կոչվում էին պարակենդենտային հողամասեր: Հողատերը պարտավոր էր ապահովել ցանքի սլանի կատարումը նաև պարակենդենտային հողերի վրա: Տեղական խորհուրդները պարտավոր էին չցանված հողը մեկ տարով վարձակալության տալու ԱԿՀՏ-ին, չքավոր ու միջակ գյուղացիներին կամ հասարակական կազմակերպություններին պետական հողային ֆոնդի սահմանած տարիֆներով¹:

Հողի մասնավոր սեփականության իրավունքը թույլատրում է հողը վաճառելու իրավունք, բայց հողային ռեֆորմի օրենքով սահմանափակվում են հողի կենտրոնացման չափերը հողային սեփականության մաքսիմումի նորմաներով (20—30 հեկտար): Կուլակային վերնախավը մի շարք միջոցառումների կիրառման հետևանքով (սլոգրեսիվ հարկ, միանվագ հարկ, գյուղատնտեսական խոշոր գույքի հարկադիր հետգնում և այլն) ղրկված էր տնտեսական այն դերից, որ նա ուներ սկզբում:

Կապիտալիզմի սլայմաններում բացարձակ ռենտան գնագոյացման գործոն է: Հողի մասնավոր սեփականության մոնոպոլիան ննարավորություն է տալիս գյուղատնտեսական մթերքների գները պահպանելու բարձր մակարդակի վրա և յուրացնելու արժեքի ու արտադրության գնի միջև եղած տարրերությունը որպես բացարձակ ռենտա: Բացարձակ ռենտան տուրք է ամբողջ հասարակության վրա գյուղատնտեսական մթերքների գների վրա կատարվող հավելումների ձևով: Գներն այդպիսի թանկացումը ենթադրում է շուկայական հարաբերությունների, շուկայական տարերքի տիրապետությունը Այդ թանկացումը ապահովված եկամտի ու հարստության աղբյուր է խոշոր հողատերերի համար սպառողների, և առաջին հերթին աշխատավորների լայն մասսաների, հաշվին:

Ժողովրդա-դեմոկրատական կարգի սլայմաններում, երբ առևտուրը կենտրոնացված է պետական ու կոոպերատիվ առևտրի սիստեմում (կազմակերպված շուկա), գները կարգավորվում են պետության կողմից սլանաչափորեն զարգացող տնտեսության տնտեսական օրենքների սահանջների հաշվառումով, ժողովրդական մասսաների նյութական ու կուլտուրական կենսամակարդակը բարձրացնելու շահերին համապատասխան, հետեապես, չկա բացարձակ ռենտա, որպես գնագոյացման գործոն:

Կուլակա-կապիտալիստական տարրերի նյութական վիճակը վատթարացել է ժողովրդա-դեմոկրատական կարգի հաստատումից հետո. նրանցից խլվել են ուրիշի աշխատանքը շահագործելու ննարավորությունները. պետական պարտավորությունների, գների ու հարկային քաղաքականության

¹ Сѣе "Сборник на по-важните постановления и разпореждания на Министерския съвет на НР България", София, 1950, էջ 87 և 461:

միջոցով ժողովրդական իշխանությունը վերացրել է կուլակների անտեսական ուժը,— գրում է Բուլղարական կոմպարտիայի կենտկոմի օրգանը¹,

Այս բոլոր միջոցառումները միասին վերցրած ժողովրդա-դեմոկրատական կարգի պայմաններում, երբ արտադրության հիմնական միջոցները համաժողովրդական ունեցվածք են կազմում, վերացրել են հողագործության բուրժուական կազմակերպման գոյություն հիմքը, բացարձակ ունեւայի հիմքը:

Այժմ-ի անդամները պահպանում են հողի մասնավոր սեփականության իրավունքը, որը տնտեսապես իրացվում է հողի համար հատուցում ստանալու մեջ: Բայց այստեղ հողի մասնավոր մոնոպոլիայի ոչ մի հետք չկա: Այժմ-ի վարձու աշխատանք, չկա հավելյալ արժեք: Գյուղատնտեսական արտադրանքի գները որոշվում են ոչ թե արժեքի օրենքի տարերային գործողությամբ, այլ կարգավորվում են պետության կողմից արժեքի օրենքի օգտագործումով: Բուլղարիայի ժողովրդական Ռեսպուբլիկայում չի գործում շահույթի միջին նորմայի օրենքը և հողի համար տրվող հատուցումը միջին շահույթի մակարդակը գերազանցող հավելյալ արժեքի մասն է:

Այժմ-ի անդամները չեն կարող իրենց հողը վարձակալության տալ, իսկ հողը վաճառել կարող են կամ Այժմ-ին, կամ Այժմ-ի անդամներին:

Այն պնդումները, թե Այժմ-ում պահպանվում է հողի մասնավոր սեփականությունը, իսկ մասնավոր սեփականությունը առաջացնում է բացարձակ ունեւ, չի բխում մարքսիստ-լենինիզմի ուսմունքից բացարձակ ունեւայի մասին, չի համապատասխանում իրերի օրյեկտիվ վիճակին:

Հողի մասնավոր սեփականության իրավունքի գոյությունը Այժմ-ի պայմաններում չի խոչընդոտում կապիտալ ներդրումների աճմանը գյուղատնտեսության մեջ պետության և իրենց՝ Այժմ-ների կողմից, Այժմ-ների անրաժանելի ու հասարակական այլ ֆոնդերի աճմանը, տեխնիկական կուլտուրաների ցանքատարածությունների աճմանը: Ֆաշիստական լծից ազատազրկելուց հետո անցած տասներեք տարիների ընթացքում Բուլղարիայի գյուղատնտեսությունը հսկայական քայլեր է կատարել իր զարգացման ասպարեզում, որի մասին աշխատավոր գյուղացիությունը նախկինում երազել անգամ չէր կարող: Առ սույն թվականի մարտի 1-ը Այժմ-ները միավորում էին գյուղական տնտեսությունների և մշակվող հողի 80 տոկոսը: Երկրի հացահատիկային ու հարթավայրային շրջաններում կոոպերացումը հիմնականում ավարտված է: Գյուղատնտեսական աշխատանքների 70 տոկոսից ավելին մեքենայացված է ՄՏ կայանների միջոցով, որոնք հանդիսանում են կոոպերատիվ տնտեսությունների ինդուստրիալ նյութական-տեխնիկական բազան: ՄՏ-ները կենտրոնացնում են 26000 պայմանական տրակտոր, 4250 կոմբայն, հազարավոր բեռնատար ավտոմեքենաներ ու գյուղատնտեսական այլ մեքենաներ: 1957 թ. 208 ՄՏ-ները կատարելու են 10,13 միլիոն հեկտար փափուկ վարի վերածած աշխատանք: Պետությունը ֆինանսական աճող օգնություն է ցույց տալիս գյուղատնտեսությանը: Պետական օգնությամբ ու Այժմ-ների միջոցներով արդեն կառուցվել են ավելի քան 35000 գյուղատնտեսական շենքեր և շուրջ 900 փոքր-ջրամբարներ ու

¹ Տե՛ս „Работническо дело“, София, 5 սեպտեմբերի 1956 թ. № 249-ում գետեզված խմբագրականը:

լճակներ: ԱԿՀՏ-ները տնկել են 44000 հեկտար խաղողի և 40000 հեկտար մրգատու այգի: 1957 թ. գյուղատնտեսության ֆինանսավորմանը հատկացվելու է 3874 միլիոն լև, որից միայն 74 միլիոն լևը ԱԿՀՏ-ների սեփական միջոցների հաշվին: 1956 թ. ԱԿՀՏ-ները տվել են երկրում ստացված հացահատիկայինների 74, բամբակի 90, շաքարի ճակնդեղի 94,2 տոկոսը, մնացած տեխնիկական կուլտուրաների մեծ մասը: ԱԿՀՏ-ները պարենի ու արդյունաբերության համար գյուղատնտեսական հումքի հիմնական մատակարարողներն են: Չնայած 1956 թ. կլիմայական անբարենպաստ պայմաններին (երաշտն ու կարկտահարությունը զգալի տարածությունների վրա) մեկ աշխույժ միջին եկամուտը երկրում կազմել է 12,42 լև: Այն ավելի բարձր է եղել ինտենսիվ կուլտուրաների շրջաններում: Վերջին հինգ տարիների ընթացքում կոոպերատորների եկամուտներն աճել են 60 տոկոսով: Բազմաթիվ կոոպերատորներ, այդ թվում նաև նախկին բատրակներ ու չքավորներ, կառուցել են նոր, հիանալի բնակարաններ: 1957 թ. սկզբից 60 տարեկանից բարձր տղամարդ և 55 տարեկանից բարձր կին կոոպերատորները ստանում են կենսաթոշակ ամսական 60-ից մինչև 150 լև դումարով:

ԱԿՀՏ-ում չկա հողի մասնավոր սեփականություն յուրահատուկ կապիտալիստական ձև, չկա հողի մասնավոր սեփականության մոնոպոլիա, չկան շահագործման հարարերություններ, ուստի և հողի ոչկապիտալիստական մասնավոր սեփականության իրավունքի տնտեսական իրացումը չի կարելի բացարձակ ռենտա համարել: Ինչպես ասված է վերը, վերապահություններն այն մասին, թե դա կերպավորված բացարձակ ռենտա է, որ առաջանում է ոչ հավելյալ արժեքից և այլն, չեն փոխում հարցի սկզբունքային քաղաքատնտեսական էությունը¹:

Հողի հատուցման՝ ռենտայի բնույթի ճիշտ ըմբռնումը ունի ոչ միայն գիտական-թեորիական, այլ և պրակտիկ հետաքրքրություն: Ռենտայի բնույթի ճիշտ ըմբռնումը սերտորեն առնչվում է ԱԿՀՏ-ի՝ որպես գյուղատնտեսության կազմակերպման սոցիալիստական ձևի էության հարցի ըմբռնման հետ:

Սխալ բնորոշելով հողի՝ որպես արտադրության միջոցներից մեկի համար տրվող հատուցման բնույթը, գիտելով այն որպես բացարձակ ռենտա, թեկուզ և վերապահություններով, կատարվում է, իրական կյանքին չհամապատասխանող, սխալ հետևություն այն մասին, թե հողի մասնավոր սեփականության իրավունքի գոյությունը Բուլղարական Ժողովրդական Ռեսպուբլիկայի պայմաններում արգելակում է, լրացուցիչ դժվարություններ է ստեղծում մանր գյուղացիական տնտեսությունները խոշոր սոցիալիստական տնտեսությունների ռելսերին փոխադրելու գործում, դժվարու-

¹ Սովետական գրականության մեջ առաջին անգամ ճիշտ բացատրությունն այն մասին, որ Ժողովրդա-դեմոկրատական երկրներում հողի համար տրվող ռենտան բացարձակ ռենտա չէ, տրված է Ա. Պետրուշովի «Социалистическое строительство в сельском хозяйстве европейских стран народной демократии», М., 1951, գրքում:

1956 թ. հրատարակած իր «Земельная рента при капитализме» գրքում Ի. Ի. Կոզո-դոնը իրավացիորեն նշում է, որ Ժողովրդա-դեմոկրատական երկրներում բացարձակ ռենտան վերացված է, թեկուզ և սխալմամբ կարծում է, թե այդ երկրներում հողը չի կարող գնվել, վաճառվել, վարձակալության տրվել, շնորհվել (էջ 124, 125):

թյուններ է ստեղծում բուլղարական գյուղսւմ սոցիալիզմ կառուցելու գործում, դժվարացնում է ԱԿՀՏ-ների զարգացումն ու ամրապնդումը¹։

Իրականում, այն երկրների համար, որտեղ հողի մասնավոր սեփականության տրագիցիան խորն է արմատավել, կոմունիստական ու բանվորական պարտիաները, ինչպես սովորեցրել է Լենինը, միանգամից առաջ չքաշելով ամբողջ հողի ազգայնացման լոզունգը, իշխանությունը բանվոր դասակարգի և գյուղացիության ձեռքն անցնելուց հետո պետք է գյուղատնտեսութան սոցիալիստական վերակառուցմանն անցնեն հողի մասնավոր սեփականության իրավունքի պահպանման պայմաններում։ Հետևաբար, այդ առանձնահատկությունը հաշվի առնող կոմունիստական ու բանվորական պարտիաների ճիշտ, շրջահայաց քաղաքականությունը միայն կարագացնի սոցիալիզմի շինարարության գործը գյուղատնտեսութան մեջ։ ԱԿՀՏ-ների զարգացումը գրաւ միայնուն ապացույցն է։ Բուլղարիայի կոմունիստական պարտիան ուշագիւր կերպով հետևել է ոչ միայն մանր գյուղացիական տնտեսությունների կոոպերացման ընթացքում կամավորության սկզբունքը անպայման պահպանելուն, այլև հողի համար տրվող հատուցման՝ ունեւայի չափի կամավոր նվազմանը։ ԱԿՀՏ-ի օրինակելի կանոնադրության փոփոխությունները առաջ չեն անցել ունեւայի նվազեցման ասպարեզում եղած նվաճումներից, այլ օրինականացրել են այն, ինչ գործնականում արդեն նվաճված էր։ Այլ կերպ ասած, եկամտի որոշ մասը ըստ ԱԿՀՏ-ին հանձնած հողի տարածության ու որակի բաշխելու ձեռք հողի մասնավոր սեփականության իրավունքի իրացման ասպարեզում վարած ճիշտ քաղաքականությունը ԱԿՀՏ-ների զարգացման որոշ ժամանակաշրջանի համար նպաստող գործոն է։ Հողի համար տրվող ունեւայի նպաստելով ԱԿՀՏ-ի զարգացմանն ու ամրապնդմանը, հանգեցնելու է ունեւայի վերացմանը ԱԿՀՏ-ի անդամների մանր սեփականատիրական հոգեբանության հաղթահարման հետևանքով։

Հողի հանձնումը աշխատավոր գյուղացիներին որպես մասնավոր սեփականություն և հողի մասնակի ազգայնացումը Բուլղարիայի Ժողովրդական Ռեսպուբլիկայում նպաստել է բանվոր դասակարգի ու աշխատավոր գյուղացիության դաշինքի ամրապնդմանը, ԱԿՀՏ-ների շինարարության զարգացմանը, ինչպես Սովետական Միության պայմաններում գրան նըպաստել է ամբողջ հողի ազգայնացումը։ ԱԿՀՏ-ների զարգացման տվյալ ժամանակաշրջանում եկամուտների մի մասի բաշխումը ըստ հողի, այդ մասի բացարձակապես կամավոր նվազեցումը, իսկ այնուհետև նաև վերացումը չի արգելակում, այլ, ընդհակառակը, նպաստում է ԱԿՀՏ-ների զարգացմանը։ Ռեւոլյուցիոն հարցը պետք է քննարկել ոչ թե նեղ տնտեսագիտական առումով, այլ Բուլղարիայում սոցիալիզմի կառուցման ու նրա հեռանկարների տեսանկյունով։ Այս հարցերի այլ լուծումը մեզ թվում է գոգմատիկ, սոցիալական կյանքի երևույթների նկատմամբ ոչպատմական մոտեցման գրեթե անհրաժեշտ։

Հայտնի է, որ 1919 թ. Հունգարական Սովետական Ռեսպուբլիկայի

¹ Տե՛ս Ն. Մատենի հոդվածը, «Ново време» София, 1948, № 10, էջ 333, 871։ Ա. Գեորգիևի հոդվածը, «Философска мисъл», София, 1951, № 1, էջ 112։

պարտութեան պատճառներն այն էր, որ Հունգարիայի երիտասարդ կոմունիստական պարտիան այն ժամանակ դեռ չէր հասկանում աշխատավոր գյուղացիութեան հետ բանվոր դասակարգի սերտ դաշինքի նշանակութիւնը կոնտրռեւոլյուցիայի դեմ պայքարելու, նոր իշխանութիւնը ամրապնդելու գործում: Հունգարական կոմունիստական պարտիան բանվոր դասակարգի դաշնակից էր համարում միայն գյուղատնտեսական պրոլետարիատը, իսկ գյուղացիութեան նկատմամբ ամբողջութեամբ վերցրած չեղոքացման գիծ էր վարում: 1919 թվականի ապրիլի 3-ի օրենքով 100 խոլից (57 հեկտարից) ավելի կենդանի ու անկենդան ինվենտարով կոնֆիսկացված հողը չբաժանվեց սակավահող գյուղացիներին, որոնք հող էին տենչում, ուղում էին ավելացնել իրենց հողատարածութիւնները, տնտեսապէս ամրապնդել իրենց վիճակը: Կոնֆիսկացված հողերը դարձնում էին ժողովրդական կոոպերատիւներ—պետական խոշոր տնտեսութիւններ: Հունգարական կոմունիստները նեղ առումով էին քննարկում ագրարային հարցը, որպէս զուտ տնտեսական հարց, և ոչ որպէս պրոլետարիական ռեւոլյուցիայի ստրատեգիայի հարց: Հունգարական սովետական իշխանութիւնից հող ստանալու իրենց սպասելիքների մեջ հուսախաբիւած աշխատավոր գյուղացիութիւնը չդարձավ պրոլետարիատի դաշնակիցը: Այդ հեշտացրեց կոնտրռեւոլյուցիայի հաղթանակը: Դաշինքը աշխատավոր գյուղացիութեան հետ ամրապնդելու համար բանվոր դասակարգը պետք է հասկանա գյուղացիութեան տենչը և աջակցի այդ տենչի բավարարմանը, ճիշտ որոշելով իր քաղաքականութիւնը, աշխատավոր գյուղացիութեան շահերը զուգակցելով նոր ոռոգիալիստական հասարակարգի կառուցման հետ: Հունգարական սովետական իշխանութեան պարտութիւնից անհրաժեշտ հետեւութիւններ են կատարել բոլոր երկրների կոմունիստական ու բանվորական պարտիաները, այդ թվում և Բուլղարական կոմունիստական պարտիան, որը նշանակալից արդիւնքների է հասել գյուղատնտեսութեան ոռոգիալիստական վերակառուցման ասպարեզում:

Հողի համար տրվող հատուցումը սերտորեն կապված է հողի ռեւոլյուցիոն բաժանքի հարցի հետ, գյուղացիների հող ստանալու հետ բանվոր դասակարգի ձեռքից, բանվոր դասակարգի մարտական դաշինքը գյուղացիութեան աշխատավոր մասսաների հետ ամրապնդելու հետ: Հողի ռեւոլյուցիոն բաժանքը ժողովրդա-դեմոկրատական կարգի պայմաններում ոռոգիալիստական ստրատեգիայի հարց է: Այսպիսի պայմաններում հողի բաժանքը ձեռք է բերում որակական ու սկզբունքային նոր բովանդակութիւն, ի տարբերութիւն հողի բաժանքից բուրժուական կարգի պայմաններում, հանդիսանում է ոռոգիալիզմի կառուցմանը նպաստող գործոն, քայլ է դեպի ոռոգիալիզմը, ինչպէս ամբողջ հողի ազգայնացումը Հոկտեմբերյան ռեւոլյուցիայի հաղթանակից հետո Սովետական Միութիւնում քայլ էր դեպի ոռոգիալիզմը և գյուղացրեց կոլտնտեսային շինարարութեան հաղթանակի գործը: Այս տեսակետից ընդհանուր շահ բան կա Սովետական Միութիւնում հողի ազգայնացման ու ժողովրդա-դեմոկրատական կարգի պայմաններում իրականացված հողի ռեւոլյուցիոն բաժանքի միջև: Հողի բաժանքը Բուլղարիայի ժողովրդական Ռեսպուբլիկայում ամբողջովին համապատասխան-

նում է սոցիալիզմի կառուցման ուղիների մասին լենինիզմի ուսմունքին և ներկայացնում է պատմական նոր պայմաններում, Ռուսաստանից տարբեր ագրարային հարաբերությունների պարագայում, այդ ուսմունքի ստեղծագործական կիրառման ու զարգացման օրինակ: